

Нұр-Мұбарак ЕИМУ Ғылыми кеңесінде
қаралып, бекітілген.
2024 жылы 25 желтоқсан
№ 5 хаттама



**Нұр-Мұбарак Египет ислам мәдениеті университеті
ректорының 2024 жылы бойынша
ЕСЕБІ**

I. Оқытушы-профессорлық құрамы мен контингенті:

Университеттің оқытушы профессорлық құрамының саны – 145 (оның ішінде 131 штаттық, 14 сырттай толық емес жұмыскерлер): PhD ғылым докторы – 48, ғылым кандидаты – 20, ғылым докторы – 14 және магистр оқытушылар саны – 54.

II. Жоғары сапалы білім беру мақсаты бойынша:

Нұр-Мұбарак университетіндегі оқу бағдарламалары практикаға бағытталуын күшейту мақсатында Исламтану білім беру бағдарламасының 18% пәндердің саны, ал Аударма ісі білім беру бағдарламасының контенті 10% жаңартылды. Оқулықтар мен оқу-әдістемелік құралдар саны 10 данаға жетті. Сонымен қатар, 2024 жылы Нұр-Мұбарак университетінің ашық онлайн курстар платформасы іске асырылды.

Осы жылы университетіміз «Шетел филологиясы» (Араб және ағылшын) білім беру бағдарламасының магистратура деңгейін ашу үшін құжаттарды тапсырып, әзірлеу жұмыстарын бастады.

2024-2025 оқу жылында 829 бакалавр студенттері, 40 магистрант және 12 докторант қабылданды. 2024 жылдың желтоқсан айында Нұр-Мұбарак Египет ислам мәдениеті университетінде 2315 бакалавр, 85 магистрант, 29 докторант болып жалпы 2429 білім алушы тәлім алып отыр. Ағымдағы жылы университеттен 337 түлек академиялық дәрежесін алды.

III. Ғылыми зерттеу жұмыстары бойынша:

Университет оқытушы-профессорлар құрамының ғылыммен шұғылдануға ынталандырады. Биылғы жылы университет тарапынан 10 оқу құралы, 8 монография, Қазақстан Республикасы Ғылым және жоғары білім министрлігінің Ғылым және жоғары білім саласындағы сапаны қамтамасыз ету комитеті ұсынған журналдарда 32 мақала, Халықаралық ғылыми журналда (скопс) 16 мақала жарыққа шықты.

2024 жылдың мамыр айында «Цифрлы қоғам жағдайындағы діни қайырымдылықтар: теориясы және практикасы» атты халықаралық семинар және «Киберкеңістіктегі діни дискурс: сын-тегеуріндер мен шешімдер» атты халықаралық ғылыми-тәжірибелік конференция өтті.

2024 қазан айында «Хусамуддин әс-Сығнақи: Алтын Ордалық ізбасарлары» атты халықаралық ғылыми-тәжірибелік конференция мен «Қазақстандағы қолжазба қорлары: сақтау және зерттеу» атты II халықаралық семинар өтті. Ал

қараша айында «Сандық кеңістіктегі ислам және діни уағыз (қазіргі Қазақстан мысалында)» атты семинар орын алды.

2024 жылдың 7 қарашасында «Сандық Кеңістіктегі Ислам және Діни Уағыз (Қазіргі Қазақстан мысалында)» атты семинар өтті

Сонымен қатар, университетімізде кітап жәрменкісі, араб және ағылшын тілдері бойынша олимпиадалар және «Араб тілі кеші» атты іс-шара ұйымдастырылды.

IV. Білім беру процесін интернациоландыру және халықаралық қатынастарды дамыту мақсаты бойынша:

Ағымдағы жылы Нұр-Мұбарак Египет ислам мәдениеті университеті жаңа бағыттағы 5 меморандум жасалды, 2024 жылдың желтоқсан айында шетелдік университеттерімен жасалаған меморандум мен келісім-шарттардың жалпы саны 21 болды.

Сыртқы академиялық ұтқырлық бағдарламасы бойынша Индонезия ислам университеті, Мармара университеті және Кастамону университетіне 12 білім алушы аумасу семестрі бойынша оқуға барып қайтты, отандық академиялық ұтқырлық бағдарламасы аясында Абылайхан атындағы ҚХӨТ университетіне 2 білім алушы оқуларын тәмамдап келді.

Ішкі академиялық ұтқырлық бағдарламасы бойынша Нұр-Мұбарак ЕИМУ-да Қырғыз-Түрік Манас университетінен 2 студент, Әзірбайжан теология институтынан 2 студент, Абылайхан атындағы ҚХӨТ университетінен 2 студент, Ахмет Яссауи ХҚТ университетінен 1 студент және Гумилев атындағы ҚазҰ университетінен 1 студент оқу-аумасу бағдарламасымен қабылданып, білім алып қайтты.

V. Университеттің қаржылық-шаруашылық қызметі:


2024 жылы материалдық-техникалық базаны дамыту мақсатында 27 628 462 теңге, оның ішінде құрылыс жұмыстарына – 18 615 584 теңге, Platonus дерекқор жүйесінің 1 жылдық ақпарттық қызмет көрсетуіне – 5 800 000 теңге жұмсалды.

2024 жылы бойынша қаржылық-шаруашылық қызметінің нәтижесі

Кіріс - 2 334 521 202 теңге

Шығыс - 2 140 442 538 теңге

Міндетті шығындар құрылымы



1. Жалақы және салық шығындары – 58,7%
2. Қаржылық қолдау және ынталандыру – 14,30%
3. Иссапар және ғылыми тағлымдамаға кеткен докторант шығындары – 1,35%
4. Коммуналдық және байланыс шығындары – 0,29%
5. Материалдық техникалық базаға кеткен шығындар – 0,13%
6. Жөндеу жұмыстарына кеткен шығындар – 0,88%
7. Қызмет көрсету шығындары – 24,35%

VI. Студенттерге арналған кешенді әлеуметтік жүйені құру мақсаты бойынша:

Университет аясында 10-ға жуық спорттық шара өткізілді. Атап айтқанда, ұлттық спортымыз қазақ күресін жаңғырту және физикалық мықты жастарды дамыту мақсатында «Нұр-Мұбарак Барысы» атты күрестен турнир өтті. Сондай-ақ, Алматы қаласындағы діни қызметкерлер мен Нұр-Мұбарак университетіне қамқоршы компаниялар мен университет ұжымы арасында футболдан «BIRLIK CUP-2024» кубогі өткізілді. Сонымен қатар, университет студенттері арасында үстел теннисінен, жүзуден, қол күресінен, тоғызқұмалақтан, волейбол, футбол және баскетбол ойындарынан жарыстар ұйымдастырылды.

Мәдени-ұлттық шаралар қатарында 3 маңызды іс-шара өткізілді. Құрманғазы атындағы қазақ ұлттық консерваториясы, Асфендияров атындағы медицина университетінің музейі және Алматы қаласындағы Орталық музей университет студенттеріне таныстырылды.

Ай сайын интеллектуалды сайыстар өткізіліп, 100 хадис кітабынан және ұстаздармен ұйымдастырылған қосымша сабақтар негізінде білім деңгейін анықтау мақсатында әртүрлі танымдық шаралар орындалды.

Әр жұмада университет және жатақхана студенттеріне рухани серпіліс беру мақсатында құрметті ұстаздар мен елге танымал қонақтармен уағыз-насихат кездесулері өткізіліп, уағыздар мінез-құлық, уақыттың пайдасы, денсаулық және әдет қалыптастыру тақырыптарына арналды.

Шәкірттермен бірге табиғи демалыс орындарында, атап айтқанда, Чарын каньоны, Көлсай, Бутаковка сарқырамасы, Аюсай және Ой-Қарағайда тимбилдинг шаралары ұйымдастырылды.

Сонымен қатар, бір ай бойы әр апта сайын «Университет жанашыры» клубының студенттері Алматы қалалық «Алматы біздің ортақ үйіміз» челленджіне қатысып, белгіленген жерлерде қоқыс тазалауға және қар күреуге белсене атсалысты.

Университет жатақханасы 5 оқу залымен, 3 кітапханамен және 1 кооркинг бөлмесімен қамтамасыз етілді.

Қорытындылай келе, 2024 жылында университеттегі Стратегиялық даму жоспарына сай жұмыстар атқарылды.

Ректор



Ахмед Хусейн Мухаммад Ибраһим